

全宗号

目 录

年度

案卷号

[illegible]

慈溪市档案局监制

電話：(0574) 63981911

全宗号	目录号	案卷号

全宗号

秦化班竹俞氏宗谱

目录号

(复印本)

年度

敬一公派三十九世存字辈俞强

赠

2011.9.15

案卷号

自	年	月至	年	月	保管期限	
本卷共	件	页	归档号			

慈溪市档案局监制

电话: (0574) 63981911

全宗号	目录号	案卷号

傳之

家珍

中華民國壬戌歲重修

班竹園俞氏重修宗譜序

夫星源遠溯踵世本於前賢雲耳遙傳續系圖於後裔事實因而非創
任宜纂而兼修然或世次不明親疎莫辨如羅威之冒隱爲叔趙相之
以巫爲姑將見支別派分瓜瓞不知其始年湮代遠葛藟難庇其根勢
必至以一體爲途人視同宗如異類此修譜之所宜亟亟也予攷俞氏
先世珣公爲肇姓之宗寶公爲析分之祖發祥之履歷先輩旣已詳言
分派之原由後人毋庸贅述然而一編故守登載寥寥百室散居遺忘
落落其何以敘世繫明宗支乎族長教能翁同總理穎川君續輯秉周
君等緣議修譜丐予爲序予惟俞氏之譜大抵閱世一修自雍乾間之
纂尙未淵源可溯至嘉道際之葺始得脈絡可尋又至光緒時之舉乃
覺班班可考井井有條焉迄今民國成立世事變更美雨歐風潮流日
進至於家乘一道尤宜大加整頓矧時值今春適輪一世子姓日繁住
居星散或恐生卒難知或慮墓塋靡稽爰命梓工而再鋟因啓緇牒以

重繙續舊增新推歲月日時而紀籍循名核實合祖孫父子以成書法
遵乎舊章義準於凡例記序傳文務徵諸實魯魚亥豕用正其訛記百
世之宗傳增卅年之胄齒由是尊祖敬宗收族之道從此而賅絲聯繩
貫脈注之文於斯而紹夫豈若義府之徑連趙郡正倫之求附城南哉
彝才慚崔蔡學愧曹劉方謂因人成事敢矜自我操觚因譜事之告厥
成功屬予序以弁於簡首庶後之覽是譜者知瓜綿椒衍之繼續非枝
峰蔓壑之鉤連有懷蘇明允孝悌之言不致路敬醅衣冠之誚云爾

崑

民國十一年歲次壬戌荷月

通家愚

覺父周晉彝謹撰

民國十一年壬戌歲重修名目列後

宗長

教能

房長

教軒

總裁

立廷

採訪

企旦

誠鎬

道福

校正

秉周

總理

道漲

柱首

秉高

元柱

亨柱

道福

利柱

秉世

貞柱

道祥

俞氏宗譜卷首

目錄

卷之一

凡例

譜序

景詩

像贊

世芳

遷居

行第

卷之二

華蓋圖

卷之三

世傳

卷之四

世傳

螟傳

卷之五

傳贊

婦傳

纂修班竹俞氏宗譜卷之一

凡例

一譜之作也不特本支名諱事實悉知卽外房宗祖亦可類推而檢識若無譜既不識父之字諱又安知祖上之名號毋論年代久遠不能記憶卽生而幼者問其父之名曰我不知也問其祖之諱更不識矣有譜以載之皆得從而指之曰汝父名某汝祖某名某諱并某爲汝之曾某爲汝之高由是而上及曾之曾高之高無不悉知焉故蘇氏曰明譜之道者孝悌之心油然而生矣

一排行爲一族之尊卑所關凡人生而名字須照行詩取名不得各任臆見以紊尊卑之分

一華蓋圖乃萬水朝宗衆星拱辰之象祖宗子孫有面晤一堂之樂俛覽者得尋源而竟委矣

一譜中立世傳所以傳其人之生卒配葬茲則行歐氏之變達蘇氏之權

卽以生卒配葬列於世傳以便考覽至於事蹟德行讚狀序記等并著作詩文類載入譜後別卷

一正配雖小殤無出必載之直書配某氏其後娶者女子書繼配婦人書繼娶重正嫡別閨門也至現在已聘未迎者書聘某氏養媳書配某氏蓋其年雖少而名分一也皆查入譜內以便後人之修輯一以曲諒人情也

一以妾爲妻春秋所禁人君猶然况士庶乎故娶妾例書副室側室或書娶庶某氏不使以賤妨貴

一族內有乏嗣者宗子無嗣以支子之嫡長繼之支子無嗣以宗子之次子繼之倘宗子只有一子無可出繼先及同父周親次及大功小功總麻之子以繼之其書法先於生父傳下書明第幾出繼某人復於繼父名下書以某某第幾子入繼於本傳詳書之若異姓爲後止詳附父傳下書螟子某或養子某不立本傳不畫血線以入世系明異姓之不得

亂宗也

一凡遷徙他方無不查明詳載如有不可查者只載某某遷移處
一有出他方爲義子者必書之蓋明分枝以別婚姻以望歸宗也
一有應避諱忌字或族中同行而更同名者以音相同之字易之
一族內有流離他鄉者回籍歸宗之日宗房長請家譜查對如實係本支
雖貧乏毋得遺棄若非本支卽富貴毋得冒認攀援

一婦人從一而終是爲節烈所以朝廷有旌節之典若夫亡不能守節而
改嫁本難強阻故直書改醮或書改適近有無恥之婦掩嫁之名而曰
典或托撫子而曰招夫養子皆與改嫁何異及後無所依歸而復歸前
夫之子者誼本與廟絕生卒不許載譜木主不許混入本祠
一女子附于本生父傳書某女適某處此閨閣所關以表門楣
一墳墓爲先人托體之所必詳載某山某地或某祖之旁以垂永遠以志
狐兔首邱瞻依拜掃以防犁插所及

一子孫有夭殤與未娶而卒及出家從釋老者止書其名附於父傳下詳其始而已

一生育維艱乃以外甥內姪并異姓童穉攜來撫畜及其長成任以力作足以扶助起家者是爲養子世多有焉詩云螟蛉有子蜾蠃負之在聖人亦不刪削也厥後有親嗣則親嗣作主若宗子繼後則繼子作主養子總屬爲輔田園室廬量情撥付娶婦生孫世世附於本支之末而在生之日彼雖年長不得主婚主祭以作宗房長死後不得入祠恐莠之亂苗也

一宗譜一二三房各存正譜一冊衆存草譜一冊合爲四冊恐防蠹毀之患

一譜事告成敬藏匣中安置潔淨之處有事則告祖請譜不得私看并毋許妄自添註有犯此者罰必從重

譜序

聖諭有曰修族譜以聯疎遠則知譜也者重事也亦急務也所以名家望族累修而累求其詳且精者亦以使後之人皆知其統於萬本於一各盡其追遠之誠親睦之義也不然欲於千枝而求其一本於萬派而求其源不可得也雍正歲甲午余西席其地暇時談及譜事詢其始遷之由宗翁瑞環則曰吾於前世不知也自余上推二十二世祖諱珏由青社析居奉川大晦京賓公由大晦析居於此嗣後居作船坑居駐嶺此始遷之由傳諸父老載在譜牒不爽也余展卷視之翁言一如夫譜以斯知翁之於事能度其短長權其輕重人所視爲故習者翁獨誌之於心不忘不誠加人一等乎且曰吾譜曾序於茂林公矣因洪澤公移駐嶺彰榮公贅沈巖二公分遷而譜止一本并考其時於今七世年更遠矣豈不致有簡斷編殘支流莫辨者先生旣設教吾地必爲吾纂輯之事將始而沈巖在職公謝世駐嶺又遇回祿余亦遷檀俞村其事遂寢

閱至戊申翁偕在職之子兆麟仍以譜事丐余余樂其繼志之誠遂不
揣謏陋嗣續成帙乃於昭穆之次源流之遠靡不燦然明備瞭如指掌
也書成復勉瑞翁輩諸裔曰子子孫孫勿替引之其在斯乎其在斯乎
皆

雍正八年歲次庚戌應鐘月之上弦

石城宗晚生培仁敬譔

俞氏譜序

族之有譜所以辨親疎分等殺序昭穆別支流溯本源也故家之不可無譜猶國之不可無史自來賢人君子名家望族所由視爲重器藏之什襲者其以此歟然往往亡於遷徙失於兵燹而漫漶於世遠年湮者多也安得如史之歷數十百世而修明大備也茲按舊譜俞氏出於周時姬姓又改分芊姓又因楚公子食采於南陽俞頭亭遂以俞爲姓焉自南陽流派以下雖雜引郡邑名號而祖宗嫡派未有紀載分明至唐光宅間有俞公諱莊者實山東益都縣金嶺下梅徑村青社里人也其六世孫稠爲睦州刺史捐官隱於剡之五峰生四子長曰珣卽古剡東新昌之始祖次居杭次居歙而珣則居甯之大晦是大晦俞氏之祖斷自珣始越四世而京賓公復由大晦遷於彈嶺下之班竹謂可以奠厥居矣乃未幾而茂林公以宅護被毀卜宅於作船坑回龍林之四世孫諱洪澤自作船坑遷居於駐嶺俞氏先世不可謂開拓不勞矣宜其不